

Powšitkowne WOZJEWJENJA

njedźelu, 3. meje 2015

TCM wuhotuje mejski nyšpor

Na mejski nyšpor do Róžanta přeprašuje Towarstwo Cyrila a Metoda z.t. Tutón budže tutu njedźelu, 3. meje, w 17. hodź. Hudźbnje wobrubja jón šulerjo Budyskeje hudźbneje šule a jeho wotnožki w Pančicach-Kukowje.

Počesća Jakuba Nowaka-Horjanskeho

Na křižowanišću mjez Łusčom, Horu a Banecami počesća tutu njedźelu, 3. meje, w 15 hodź. duchowneho, domiznowědnika a spisowacela Jakuba Nowaka-Horjanskeho. Pod pseudonymom Neander pisacy Jakub Nowak je so na Horje pola Bóšic narodził. K jeho česći poswjeća tam wopomnjensku taflu.

Duchowna hudźba

W Budyskej serbskej cyrkwi budžetaj tutu njedźelu, 3. meje, we 18 hodź., Michał Donat z Chrósćic a cyrkwinski hudźbny direktor Friedemann Böhme z Budyšina na piščelach hrać. W rjedže „Duchowna hudźba“ zaklinča wuznamne twórby piščeloweje hudźby Ámenta F. Lukácsa, Johanna Pachelbela, Johanna Sebastiana Bacha, Leona Boellmanna a Johannesa Matthiasa Michela. Zastup je darmotny. Wo kolektu so prosy. Wšitcy su wutrobnje přeprašeni.

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka Při Klósterskej wodže budže pjatk, 8. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 9. meje. Wot 13 hodź. budže přiležnosć k swjatej spowědźi. Modlenje swjateho rózowca započnje so w 13.30 hodź. Rózowcej přizamknje so w 14 hodź. Boža mša, kotruž změje farar Michał Anders. Na njej wudželi so tym, kotřiž sej to přeja, žalbowanje chorych. Po kemšach poskići so swačina.

Zetkanje Drježdžanskich Serbow

Serbja, jich přiwuzni a přećeljo su wutrobnje na pobožnosć ze serbskim superintendentom Janom Malinkom sobotu, 9. meje, w 15 hodź. do cyrkwy swjateho Józefa w Drježdžanach, Rehefeldska hasa 61, přeprašeni. Po nyšporje zetkamy so w Šoćic kofejowni na Wurzenskej hasy k serbskej bjesadze.

Mariana Bubnerjec

Ministrantska kopańca hakle popołdnju

Na koparski turněr su ministranća ze serbskich wosadow přeprašeni. Tutón wotměje so dzeń po Božim spěću, pjatk, 15. meje, popołdnju w Pěskecach. Započatk je so změnił a budže nětko hakle z nyšporom w 13.30 hodź. we wjesnej cyrkwičce.

Za wulět samostejacych so přizjewić

Samostejacy ze serbskich wosadow změja wutoru, 2. junija, swój lětuši zhromadny wulět z busom, kotryž powjedže do Choćebuza a do Błótow. Zajimcy njech so hač do wutory, 26. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

Putnikowanje młodžiny do Krupki – nowy termin přěneho zetkanja

Młodostni wot 16 lět su přeprošeni wot njedźele, 26. julija, do Krupki putnikować. Woni nawróća so pjatk, 31. julija. Přizjewić měli so zajimcy hač do pjatka, 26. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njeprějimuja. Putnicy zetkaja so njedźelu, 5. julija (nic 29. junija, kaž bě to dotal planowane), po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

AXIS-Duo koncertuje

W Njebjelčanskej cyrkwi wuhotuje sobotu, 9. meje, w 20 hodź. AXIS-Duo koncert. Beata Seemann a Klaus Holsten zahrajetaj pod titlom „Lux aeterna“ na wšelakich instrumentach, zwjazajo staru a nowu hudźbu.

Nalětni koncert na klóšterskej zahrodze

Křesćansko-socialny kubłanski skutk z.t a chór Lipa z.t. přeprošujetej na tradicionalny nalětni koncert do zahrody zežiwjenskeho a zeloweho centruma w klóštrje Marijinej Hwězdze w Pančicach-Kukowje njedźelu, 17. meje, w 15.30 hodź. W kčějatej zahrodze zaspěwa chór Lipa pisany kwěćel pěsnjow na rjanosć přirody. Hóštny chór je lětsa džěćacy chór Budyskeho serbskeho gymnazija pod nawodom Bernadety Hencyneje. Wot 15.00 hodź. poskićuja tam kofej a tykanc.

Do Swjateho kraja

Drježdžanski biskopski ordinariat skedźbnja na putnikowanje „Po bibliskich slědach w Swjatym kraju“. Tute wotměje so wot pjatka do pjatka, 18. do 25. septembra. Nawoda budže farar na wuměnkku Norbert Jensch z Drježdžan. Zajimcy měli so hač do 3. julija w ordinariaće pod telefonowym čislom (03 51) 3 36 47 83 přizjewić. Nadrobny program putnikowanja je pod www.posol.de wozjewjeny.

Wulět do sewjerneje Pólskeje

Pólski farar Edward Wasowicz z Neustadta-Sebnitz poda so ze swojimi wosadnymi wot pónđzele do njedźele, 11. do 17. meje, na busowu jězbu do sewjerneje Pólskeje (Gdańsk, poškupa Hel, hród Malbork a Licheń). K tomu ma hišće někotre městna swobodne. Přístup do busa budže w Budyšinje. Nadrobniše informacije ma farar Gerat Wornar w Baćonju.

Putniska jězba do Fatimy a do Santiaga de Compostela

Maćij Hadank z Hórkow organizuje putnisku jězbu z lětađlom wot pjatka hač do pjatka, 11. do 18. septembra, do Fatimy a Santiaga de Compostela. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodź.) abo pola njeho w Hórkach, Sydlišćowu puć 2.